



## **Universitätsbibliothek Paderborn**

**Talio, Sev Metiens Et Remetiens Mensvra**

**Stengel, Georg**

**Ingolstadij, 1650**

§. 6. S. Catharinæ Senensis liberalitas liberalite Christi compensata.

[urn:nbn:de:hbz:466:1-52346](#)

ut sibi caneret in nuptijs: atq; cum eo his pa-  
etus est legibus, ut quò doctiùs meliusq; caneret,  
hoc copiosiorem ferret mercedem. Annixus est  
omni artificio citharœdus, uti quam scitissime ca-  
neret, sperans amplissimum præmium. At po-  
stridie paciam mercedem reposcenti musico, qui  
conduxerat, ait, iam persoluisse sese, quod esset  
pollicitus: nempe par pari retaliisse, proq; volu-  
ptate reposuisse voluptatem, spem lucri signifi-  
cans: qua quidem hoc maior fuerat, quò magis  
ex arte cantasset. Verùm eo loco negat Phi-  
losophus par pari relatum; propterea, quòd  
alter id, quod volebat accepit: alter eo, quod  
expetebat, frustratus est. Nimirum ex mun-  
di Genio faciebat Dionysius.

## §. VI.

*S. Catharina Senensis liberalitas liberalitate  
Christi compensata.*

Aliter facit Christus, cui dari, quod pau- Seuer.  
peri datur, expertus est D. Martinus, vidit Sulpit. de  
enim eum chamydis suæ, qua pauperem te- vit. S.  
xerat parte vestitum, ad Angelorum cir- Martini  
cumstantium multitudinē dicentem: Mar- c. 2.  
tinus adhuc catechumenus hac me ueste conte-  
xit. Theophanius Comes pauperum ama- S. Greg.  
tor & susceptor à Christo audiuit: Ceteris hom. 56.  
diebus me in membris meis, hesterno autem die in Euang.

me in

dit  
in-  
n-  
n-  
on  
re  
i-  
i,  
o-  
li:  
e-  
—  
s,  
i-  
—  
se  
cs  
t,  
z  
c  
—  
t

Raymūn. me in me ipso suscepisti. Talionem autem esse li-  
 à Capua beralitatis sensit conspexitq; S. Catharina  
 in vita ei- Senensis, qua aliquando orante, in Ecclesia  
 us, & An- Dominicanorum Senensem, quidam mendicus  
 tonius ab ea petijt opem. Illa, cùm nihil haberet apud  
 3. p. hist. se, roganit, ut expectaret, donec esset reuersa do-  
 tit. 23. mum. At illo dicente, se tam diu expectare non  
 cap. 4. posse, sancta Virgo eius non ferens afflictionem,  
 Sur. 29. anxiè cogitare coepit, quidnam ei dare posset.  
 April. Mox succurrit ei, habere apud se crucem par-  
     uam argenteam. Eam igitur pauperi hilariter  
     dedit, iū q; eā acceptā latus abscessit. Nocte pro-  
     xima Christus Virgini oranti apparuit, eamq;  
     erucem ei ostendit, multis gemmis undique or-  
     natam, promisitq; ei, se in die iudicii eam coram  
     tota Angelorum & hominum frequentia osten-  
     surum. Alio tempore, cādem Sacra Virgine  
     Catharina ex eodem templo redire volente,  
     Christus occurrit in forma iuuenis pauperis, ac  
     peregrini triginta plus minus annorum, petiuitq;  
     ab eā vestem. Illa rediens ad Sacellum, unde  
     descenderat, tunicam non manicatam, quam sub-  
     extima veste propter frigus habebat, sibi cantè  
     detraxit, pauperiq; tribuit, nesciens esse Chri-  
     stum. At ille etiam lineum vestimentum petijt.  
     Tum illa iubet eum se sequi ad ades suas, ubi ei  
     subuculam & subligaculum dedit. Verūm non  
     destitit

destitit ille plura mendicare, ut probaret eius  
animum. Quid, inquit, faciam hac tunica, qua  
manicas caret? Quaso etiam manicas mibi lar-  
giaris. Illa perlustrat domum, & ecce videt à  
pertica suspensam nouam ancilla tunicam: ab  
eāqz manicas auferens dat pauperi. Rursus pau-  
per etiam socium in domo hospitali se habere di-  
cit, valde indigentē vestibus. Tum verò S. Virgo  
nihil prorsus sibi superesse videns, quod daret pra-  
ter tunicam, qua erat induita, quam non sine-  
bat virgineus pudor & honestas, ut sibi detra-  
beret, ne nuda cogeretur cum multorum offen-  
diculo incedere, dixit illi: Reuera charissime,  
si possem ullo pacto, libenter aliquid prestarem  
tuo socio. Ille verò subridens: Video, inquit,  
promptum animum tuum: sed iam bene vale.  
Etsi autem S. Virgo, illo recedente, ex quibus-  
dam signis coniecit, Dominum I E S V M esse;  
tamen quia tanta gratia se indignissimam puta-  
bat, ad consueta se recepit exercitia sua. Sed  
nocte sequenti Dominus ei oranti manifestè se vi-  
sendum præbuit, in illius pauperis effigie, in ma-  
nu ferens tunicam, quam ipsi Virgo dederat,  
margaritis iam & coruscantibus gemmis con-  
spicuam, ait qz, se illi daturum vestem inuisibilem  
qua ab ea arceret omne noxium utriusqz homi-  
nis frigus. Quod certe etiam re ipsa præstítit,

ad eccl

46 Cap. III. An sit virtutum quoq;

adèò ut ex eo tempore iisdem hieme, quibus  
estate, contenta fuerit vestibus, immò nec hiemis  
intemperiem umquam senserit. Simul autem  
etiam Dominus, & cùm crucem argenteam, &  
cùm hanc tunicam illi ostenderet, talia ei pro-  
missa fecit, unde certò illi constare posset, illam  
in calis excellenti gloriâ sine fine perfruituram.  
Vides talionem optabilem, & erucem da-  
tam mendico in terris, in iudicio, gemmis  
condecoratam toti mundo cum gloria in-  
genti redhibendam? Vides vestem visibi-  
lem cum inuisibili commutatam? Vides,  
quantum proft Dare? Vides, cui proft?  
Verè dixit S. Leo: Nobis præstamus, quod alys  
erogamus.

S. Leo  
serm. i. de  
collectis.

### §. VII.

Misericordiam misericordiâ etiam in alijs plu-  
ribus fuisse remuneratam.

Carolus  
Regius  
in orat.  
Christi.  
an. lib. 10.  
c. 8.

Cosmas Mediceus, qui fuit Magnorum Du-  
cum Hetruria primus, multa expendebat, ut  
opem afferret egentibus. Cuidam igitur ex fa-  
miliaribus, eum nimis liberalem appellanti, re-  
spondit: Se in libro, initarum cum Deo ratio-  
num, dati & accepti, numquam potuisse èo per-  
uenire, ut quæ deberet Deo solueret. Nam quid  
plura dabat etiam èo plura recipiebat, semperq;  
inueniret, se debitorem, Deum verò creditorem.

Dignum